




Kaupapa  
Mīhāro

Wero  
Hiko

## Ngohe 3.2: Waihanga



### Hangaia tētahi taurira whakamātau o tētahi kapohau.

Mātakina te ataata 'create', ā, mā ēnei tohutohu koe e whakamahara haere i a koe e hanga ana i tō kapohau.

#### Me whai koe i ēnei mea:

##### Kei tō kete hiko

- He pūtake
- He tia rākau (tia hono)
- He hanganga ahu-rotu kua tāia hei uhi-pūkaha
- He pūkaha
- He pūtake rapa
- He rākau ahiparaka
- He peru me tētahi tiwiri

Me whai hoki koe i ētahi rawa tukuruā hei hanga i tō rapa kapohau, me ētahi whakanikoniko hei whakarākei.

Kia mahara koe, mā te whakamahi i ētahi rawa rerekē hei hanga i tō rapa e puta mai ai ētahi putanga rerekē. Kia āta kōwhiri koe!

### Hangaia tō kapohau!

#### Hātepe 1

Hangaia tō rapa ki ngā rawa tukuruā mā te whai i tō hoahoa whakamutunga i puta mai i tōu i pohewa ai, i whakamahere ai hoki.

#### Hātepe 2

Tāpiria ētahi whakanikoniko ki mua o tō rapa kia motuhake ai te āhua.

#### Hātepe 3

Tāpirihia tō rapa ki ētahi rākau ahiparaka ki te kāpia. Me tatari kia maroke rā anō te kāpia.

#### Hātepe 4

Titia te pito o tō tia rākau ki te puare kei te pūtake o tō kapohau.

Wiriwirihia kia tino pūmau ai.

#### Hātepe 5

Hangaia te uhi-pūkaha. Waiho te pūkaha ki roto i te uhi-pūkaha, ā, tukua te taura hono o te pūkaha mā te puare kei raro o te uhi-pūkaha.

#### Hātepe 6

Whakanōhia te uhi-pūkaha ki runga i te tia rākau, nekehia kia tika ai te teitei, ā, kōwhirihia kia ita mā te whakamahi i te peru me te tiwiri.

#### Hātepe 7

Kuhuna ngā rapa ki ngā kapiti kei te pūtake-rapa.

Whakaarohia te tawhiti o tētahi i tētahi!

#### Hātepe 8

Tāpiria te pūtake-rapa ki te tāpine pūkaha.

**Kua oti i a koe tētahi kapohau pai te hanga!  
Ka rawe tō mahi!**